

ԹՂԹԱԿՑՈՒԹԻՒՆՆԵՐ ԱՐՏԱՄԱՅՄԱՆԻՑ

ԲԱՆԻՈՐՆԵՐԸ ԱՆԳԼԻԱՑՈՒՄ

Անգլիական բանւորները հանդամանքների մասին մի հետազոտութիւն: Գերմանիայի արդիւնագործները ունին մի կենդրոնական ընկերութիւն. կան նաև ընկերութիւններ, որոնց նպատակն է արդիւնագործութեան չահերը պաշտպանել: Առաջինը կոչւում է Centralverband deutscher Industrieller, երկրորդները՝ Interessenwahrungsvereine. Այդ «կենդրոնական ընկերութիւնը» և երկրորդներից չորսը անցեալ տարի մի մասնաժողով կազմեցին, որը պէտք է գնար Անգլիա՝ այդ երկրի բանւորների դրութիւնը ուսումնասիրելու համար: Ճանապարհորդութիւնը տևեց 1889 թւի սեպտեմբերի 4-ից մինչև հոկտեմբերի 21-ը, ուրեմն չորս շաբաթ: Մասնաժողովի անդամները ամեն օր ալցելում էին գործարանատէրերին, բանւորների քարտուղարներին և պաշտօնեաներին, հարց ու փորձ անելով բանւորների հանգամանքների մասին. նոքա փոքրիկ ճամբորդութիւններ էին անում Լօնդօնից դուրս, արձանագրելով իրանց տեսածն ու լսածը և հաւաքում էին ամեն անսակ վիճակագրական տեղեկութիւններ: Այդ բոլոր նիւթերը նոքա իրանց հետ բերին հայրենիք և մշակած ձևով հրատարակեցին. մի հատորով¹⁾, որոնցից առաջին մասում խօսւում է բանւորական հանգամանքների մասին, երկրորդում ապւած են մասնաժողովի չորս անդամների զեկուցումները, որ նոքա արեցին ընկերութեան նիստում դեկտ. 13-ին: Վերջիններս ծառայում են իբր բացատրութիւն և լրացումն առաջին մասի:

Մասնաժողովի գլխաւոր գործը պէտք է կազմէր ուսումնասիրութիւնը բանւորական ընկերութիւնների, որոնք Անգլիայում չալտնի են Trade Unions (Տրէդ-Ունիօն) անունով:

1) Berichte der von industriellen und wirtschaftlichen Vereinen nach England entsandten Commission zur Untersuchung der dortigen Arbeiterverhältnisse. Herausgegeben von den betreffenden Vereinsvorständen. Berlin 1890. Verlag von Titseher u. Rüdell.

Յալտայի է, որ Տրէդ-Ունիոնները կազմեցին կամաց-կամաց և մեծ ղեւարութիւնները հանդիպելով, Մինչև 1869 թւականը կառավարութիւնից նոքա միայն «համբերած» էին, բայց չէին ճանաչած որպէս օրինական ընկերութիւններ և այդ պատճառով չէին վազկում պաշտպանութիւն օրէնքի և դատարանների կողմից: Օրինակ, նոքա չէին կարող կալանաւորել տալ ընկերութեան գանձարանին զիպչող պաշտօնեային: Տրէդ-Ունիոնների էութեան և կանոնադրութեան մասին մի թազաւորական մասնաժողով նշանակեց 1865 թւականին: Այդ մասնաժողովի հաւաքած տեղեկութիւնները հասցրին այն եզրակացութեան, որ օրէնսդրութիւնը պէտք է աւելի որոշ դիրք տալ բանտարական միութիւններին և պէտք է նոցա գանձարանները առանց պաշտպանութեան չը թողնէ:

Այդ պահանջման հետեանքն էր, որ 1869 թւականին տրեւց տրէդ-ունիոններին հովանաւորող մի ժամանակաւոր օրէնք:

Հէնց նոյն այդ ժամանակ մտցրեց Գերմանիայում այն օրէնքը, որով ազատութիւն էր տրուում բանտրներին միանալու (Coalitionsfreiheit)՝ օրավարձը բարձրացնելու և գործադուլներ անելու համար: Յառաջադիմական կուսակցութեան ներկայացուցիչ Մաքս Հիրշ և ընկերակարական կուսակցութեան ներկայացուցիչ Ի. Բ. Ֆոն Շվալցեր ուզում էին եռանդով իրարից գերադանցել՝ Գերմանիայում չ'եղած տեղից ստեղծել անգլիական տրէդ-ունիոնների նման բանտարական միութիւններ: Բայց հա՛ա զանազանութիւնը. Անգլիայում տրէդ-ունիոնները չեն կրում կուսակցական բնաւորութիւն, մինչդեռ գերմանական կուսակցութիւնների ներկայացուցիչները ջանում էին նման բանտարական միութիւններ ստեղծել կուսակցական նպատակներին ծառայեցնելու համար: Այնտեղ՝ ընկերութիւններ, որոնց սկզբնաւորութիւնը հասնում է մինչև անցեալ 18 դարը, երբ համաբարական կազմակերպութիւնը ոչնչացրեց, իսկ այստեղ՝ դեռ նոր նոր սկսել էին վերացնել միութիւններ կազմելու արգելքները:

1869-ից դէս տրէդ-ունիոնները դեռ պէտք է կուէին, որ միւս տեւսակ արդիւնաբերական ընկերութիւնների հետ հաւասար իրաւունքներ ձեռք բերէին: Միմիայն 1876 թւականին վերացեց վարպետների և ծառաների մասին հին օրէնքը (Master and Servant Act), որի դրութեամբ բանտրը, իւր պալմանից դուրս գալու պատճառով, բանտարկութեանն էր դատապարտուում. մի բան, որը Շոտլանդիայում դեռ ա՛յժմ էլ կա: 1876 թ. օրէնքով որոշեցին տրէդ-ունիոնների իրաւունքները՝ վերաբերեալ այն վէճերի, որոնք ծագում են գործատէրերի և բանտրների մէջ:

Ահա տրէդ-ունիոնների կազմակերպութիւնը: Դոքա կամ տեղական ընկերութիւններ են, կամ կենդրոնական կազմակերպութիւններ: Թէ առաջինները և թէ երկրորդները մի որոշ արհեստի կամ արդիւնաբերութեան վերաբերեալ ընկերութիւններ են: Կենդրոնական ունիոնները (միութիւն) կամ ամբողջ թագաւորութեան վերալ են տարածում իրանց զործունէու-

թիւնը, կամ երկրի մի մասի վերայ և կամ կօյնիանների և վերջապէս նաև օտար երկիրների վերայ: Օրինակի համար, Amalgamated Society of Carpenters and Joiners (ատաղձագործ արհեստաւորների միացեալ ընկերութիւնը) 1886 թ. վերջում ըմբռնում էր 440 ընկերութիւններ, որոնք ապա էին բաժանւած. Անգլիա՝ 338, Շոտլանդիա՝ 15, Իրլանդիա՝ 70, Հիւսիսային-Ամերիկայի Միացեալ Նահանգները՝ 25, Կանադա՝ 6, Նոր-Ջէլանդիա՝ 10, Աւստրալիա՝ 22, Հարաւային Աֆրիկա՝ 4, ընդամենը 25.781 անդամներով:

Կենդրոնական Տրէդ-Ունիօնները ունին տեղական ճիւղեր. ալդ ճիւղերը միացած են վիճակալին կամ գիստրիկտների ընկերութիւններով, բայց նոքա բոլորը ունին մի գործադիր մասնաժողով: Ալդպէս էլ զանազան գործարանական քաղաքներում. մի քանի տրէդ-ունիօններ իրար հետ չփոխում են կամ հաղորդակցւում trade councils կոչւած խորհուրդների միջոցով, իսկ բոլոր տրէդ-ունիօնները միասին ունին, ամենքի շահերը պաշտպանելու համար, մի Parliamentary Committee (պարլամենտական մասնաժողով) Լօնդօնում, որոնց անդամները անգլիական պարլամենտի անդամներ են և մի Trade-union-congress (տրէդ-ունիօնների կօնգրէս):

Գերմանիայումն էլ կան տեղական ընկերութիւններ (մասնագիտական ընկերութիւններ-Fachvereine) և կենդրոնական կազմակերպութիւններ: Բայց ալդ տեղական ընկերութիւնները իրար հետ ոչ մի կապ չ'ունին: Ալդ իսկ պատճառով բոլոր փորձերը, որ արւած են Գերմանիայում անգլիականի նման տրէդ-կօնսիլներ և տրէդ-ունիօն-կօնգրեսներ կալմնելու, ի դերև ելան: Այն, ինչ Գերմանիայում կրում են կենդրոնական անունը, միութիւններ չեն տեղական ընկերութիւնների, այլ ընկերութիւններ են, որոնց անդամները ցրւած են նաև կալսերութիւնից գուրս կամ երկրի մի որոշ մեծ մասի վերայ: Բայց տեղական ընկերութիւնների կենդրոնացնելը օրէնքով արգելւած է: Այն իրաւունքները, որ վայելում են անգլիական տրէդ-ունիօնները՝ գործարանատէրերի և բանւորների և կամ բանւորների իրար մէջ ծագած վէճերի մէջ խառնելու—գերմանական ընկերութիւնները չ'ունին. սոցա հետ կապւած չեն օգնութեան և ապահովութեան դանձարաններ, ինչպիսիք ալդ ունին տրէդ-ունիօններից շատերը՝ բանւորներին օգնելու համար անգործութեան, հիւանդութեան, ծերութեան և վտանգի ժամանակ: Արդարև, Գերմանիայումն էլ կան օգնութեան ազատ դանձարաններ (freie Hülfskassen), կան նաև պաշտպանող դանձարաններ (Unterstützungscassen). բայց զոքա առանձին, առաջինների հետ ոչնչով չը կապւած և բանւորների օրավարձի հետ կապ չ'ունեցող ընկերութիւններ են: Գերմանական փէլաքաւորների ընկերութիւնները չփոխում են պետական վարչութեան օրգաններից միմիայն ոստիկանութեան հետ, առանց չարաբերութիւնների միջխտրութեան հետ: Դորա հակառակը, անգլիական առևտրական միջխտրութիւնը (Board of trade) ունի մի սեպհական պաշ-

տօնեակ—Labour Correspondent կոչւած—որի գործը հենց տրէդ-ունիօն-ների հետ է։ Այժմեան այդ պաշտօնեան է սլարոն Բուրնէտ (Burnett), որը առաջ բանւոր էր, լետով եղաւ քարտուղար տրէդ-ունիօններին մէկում, ուստից նա լետով կանչւեց աւետարական մինիստրութիւնը։ Գեղմանական, բայց մանաւանդ պրոսական ռարձր պաշտօնեաների մեծագոյն մասը զըժ-լարութեամբ կարող են ըմբռնել, որ մի ինտելիգենտ բանւոր, թէկուզ քաղաքա-տնտեսապէս կրթւած մի ընկերութեան քարտուղար կարող է դառնալ մի տալնի սօւնտնիկ մի մինիստրութեան մէջ։

Մասնաժողովի հարց ու փորձերից երևացել է, որ տրէդ-ունիօնների ղեղավարների հեղինակութիւնը բանւորների վերաջ չի հիմնւում ալնքան ալն բարեբարութիւնների վերաջ, որ տրէդ-ունիօնները անում են մասնա-ւորների համար գործի պակասութեան, հիւանդութեան ժամանակ և այլն, ալլ ալլ հեղինակութիւնը բղխում է ղեկավարների բարոյական դիրքից և գորա վերաջ հիմնւած աղղեցութիւնից։

Նկատենք, որ տրէդ-ունիօնների անդամները իրանց վերաջ նայում են ոչ որպէս պրօլետարիատի վերաջ, ալլ իբր մի տեսակ բանւորական արեստոկրատների վերաջ։ Եւ իրօք, անդամ ընդունւում են միմիալն նոքա, որոնք իրանց արհեստի մէջ ընդունւած օրական միջին վարձը ապահով կերպով վաստակում են։ Այդպիսով դանաղանւում են «կրթւած բանւոր-ները» ոչ կրթւածներից։ Այդ կրթւածներն են կազմում չորրորդ դասա-կարգը, մինչդեռ մնացածները կազմում են իսկական պրօլետարեատ կամ հինգերորդ դասակարգ։ Տրէդ-ունիօնիստները ալլպիսով կազմում են բան-ւոր դասակարգի բարձր իւսւը։

Տրէդ-ունիօնիստների պահանջները մեծապէս տարբերւում են ընկեր-վարական կուսակցութեան ղեկավարների պահանջներից։ Առաջինները ջանք են դրած ղնում, որ բանւորները կարելիին չափ լաւ վարձատրեն, բայց չեն հերքում նաև կապիտալիստների պահանջները, որոնց համար էլ նոքա ընդունւում են, որ պէտք է իրանց օգուտը ստանան։ Այդպիսով Անգլիայում մենք ականատես ենք մի երեւութի՝ տրէդ-ունիօնական բան-ւորները վաղուց է որ կռիւ են սկսել զուտ ընկերվարականների դէմ, ո-րոնց գլխաւոր ղեկավարն է Անգլիայում Բօրնս (Burns), որը դրդում է հինգերորդ դասակարգին ընդդէմ չորրորդ դասակարգի։ Բօրնս սկսել է Անգլիայում կազմակերպել այդ հինգերորդ դասակարգը (unskilled men), որպէս զի դորանով խառնացնէ «աշխատանքի ազգալին ֆեղերացիալի միութիւնը», կազմակերպութիւն, որը վերջերքումս զարմանալի չաջողու-թիւններ ցոյց տւեց։